

長房富字號

全立鬮書合約字人張得枝，偕弟錦榮，緣係慈母前立螟蛉，嗣為兄弟，幼失雙親，猥以孤弱，至於成立。迨壬午年間與叔分爨以來，親操十餘年，始

成家道，各宜受室誕生，意願固期永好，效公藝之丰徽。無如家務紛紜，難免預定為畫，於是爰請族親遵將公厝前上五大房分給口糧谷五拾石，以為三錫公并慈母嘗租，又抽踏長孫田外，餘租做兩房分析，並配家器、物件、米谷等項，諸凡載明，至公無私。當日焚香告祖，據鬮為定，各守業界，克振家聲，毋容爭競，致傷和氣。此係二比甘愿，各無反悔，永崇信義。今欲有憑，爰立鬮約式紙，各執壹紙，存炤。

一註明：上五大房分給口糧谷五拾石，以為三錫公並慈母嘗租，俾遍年祭掃坟墓之需，依序輪流，不得違議。立炤。

一註明：自置轉角潭面高崗頂田壹處，年租四拾貳石，踏為長孫朝宗並娶妻資本，永為掌管。立炤。

一註明：早溝東樣仔脚田租壹拾貳石，係上房與叔抽貼長房得枝應額管收。立炤。

一註明：長房得枝應得早溝東樣仔脚田厝，原做四股，均得壹股，年租五拾捌石。又早溝西四角竹圍田厝，原做四股，均得壹股，年租四拾玖石，共壹佰零柒石，帶納全年糧銀□元又□。立炤。

一註明：次房錦榮應得鴛鴦汴田壹處，帶竹圈厝宇壹座，年租壹佰零五石，帶納全年糧銀□元，立炤。

一註明：自壬午年分居以來，除開家費以外，尚有餘銀玖佰元，除買田業並稅契銀五百元，又前收過上房得枝長孫租共拾壹年，拆還銀貳佰員；又應分額銀壹佰員，又錦榮應分額銀壹佰員，立炤。

堂叔平秀 代筆族叔 □卿

堂叔 朝英

堂兄德春

在場

知見

堂叔斗秀

堂弟國忠

族叔青山

光緒癸巳拾玖年拾壹月

日全立鬮約自人得枝 偕弟錦榮（花押）